

# DEO OPTIM. MAX. UNI ET TRINO,

VIRGINI DEI-PARÆ, ET S. LUCE

Orthodoxorum Medicorum Patrono.



## QUÆSTIO MEDICO-CHIRURGICA\*

QUOD LIBETARIIS DISPUTATIONIBUS,  
*manè discutienda, in Scholis Medicorum, die Jovis vigesima-nona  
mensis Martii, anno Domini M. DCC. LXIV.*

M. BARTHOLOMÆO MURRY,  
Doctore Medico, Præsïde.

*An ad extrahendum è vesicâ calculum diversa pro re natâ debeat usurpari Chirurgi?*

I.



HIRURGIA, tertium Medici armamentarium, unde promit opportunum curandis morbis præsidium. Ut autem in ægri salutem vertatur Chirurgi manus, quot & quanta prospicienda sint, atque præcavenda, norunt illi, qui scilorum temeritatem cum peritorum artificum judicio conferunt, & facile dijudicant genuinos hos, spurios illos haberi debere Chirurgo atque appellari.

Illud imprimis observandum, quod, si secandi se se necessitas obtulerit, probè explorandum sit prius, quàm in parte, inò quonam in ejusdem partis loco secari expediat, quàm ad opus se Chirurgus accingat. Sic in apostematibus non modò partis affectû, sed & vicinarum & sæpè dissitarum ratio partium habetur. An non in paronychiâ humor aut refluus, aut æquo copiosius stagnans volam manus, carpum, brachium ipsum aperiendum sæpè monet, & ferri crudelitatem cogit persentiscere? Quis nescit in thoracis paracentesi locum nunc hunc, nunc illum secare oportere? Quid quod vel in ipsâ, quæ quotidie celebratur, phlebotomiâ non levis esse momenti intelligitur, quis detrahendi sanguinis locus potissimum eligatur. Sic mulieris gravide saphenam, quemadmodum rarè aperiri convenit, ita quandoque expedit. Penes igitur Medicum esto occasionem arripere & aperiendi locum indigare. Quod si morbos capitis ritè perpendetis, dicetis hoc in cranii loco, quàm in illo potius adhibendam esse terebram. Est illud ab antiquis observatum, à recentioribus Medicis observatione diu multumque iteratâ perspectum, quod in ipso crure, si qua sectio fieri debere indicetur, non solum interdum ex affectû a morbo primùm musculis, verùm etiam è sedibus remotioribus mali formitem esse subtrahendum. Dicit fortasse quispiam, an non parit primùm morbo conflictatæ Chirurgi manus debet etiam primùm admoveri? Respondemus. Admoveatur primùm, si visum Medico fuerit: Verùm cum humani corporis textura deprehenditur esse ea, quæ, ut per se varia est, sic diversimodè tractari exigit; non mirum igitur si pro re natâ Medicus imperaverit, quod & in artis medicæ gloriâ & in famam artificum, & in generis humani salutem possit redundare; ex iis, quæ superius enumeravimus Chirurgiæ exemplis, liquido constat Chirurgiam debere nunc hoc, nunc illo facitari modo; quod sicubi locum habet, præsertim in calculo è vesicâ extrahendo.

II.

CALCULUS hominum carnifex, renibus plerumque generatus, vel à solidorum vel à fluidorum, vel ab utroque vitio, per tubulos, quos Anatomicis nuncupare placuit ureteres, in vesicam delabitur. Debetur præ cæteris Fernelio nostro calculi in re-

\* Autore M. JACOBO TRANT.

nibus generandi mechanismus atque ratio, si causa spectetur interna: externa cum necdum ipsi satis innotuit; nec hodie non innotescat, sic ut in sui saltem suspicionem inducat, siue proficiat a globulo plumbeo, siue a stupâ, Chirurgi incuriâ in cathetere relicta, siue a sagittâ vel ab aliâ quâvis causâ, quam hactenus nec bellum, nec pax hominum Medicorum oculis dedit esse persciendam. Asserimus vesicâ incidendâ locum, tum à sexu desumendum, tum à prægressis præsentibusque morbis eligendum, tum à pinguedine macie colligendum, tum à calculi vesicam opprimentis mole atque figurâ designandum. Audire mihi videor, qui sic arguant. Idem morbus eâdem est tractandus methodo. Non diffitemur, modò methodus pro secandi loco non præposterè sumatur. Cum autem hic de sectione ad extrahendum è vesicâ calculum loquimur, nullus sanæ mentis à nobis intelligi velit sectionem eam cujus ope atque beneficio perperam credamus, extracto è vesicâ calculo, præsentem ægro medelam afferri; multa siquidem prohibent, ne sectio ad calculum omnino instituat. Quis etenim œconomix animalis iudex haud imperitus, qui homini, quem antiqui filicernium nuncuparunt, annis obstituto eam adhibendam esse imperaverit Chirurgiam, cujus opem non àliter sentiat, quàm deperditi sanguinis inopiâ, & vitæ proindè dispendio? Quis in febribus malignis, pestilentialibus; quis in variolis confluentibus febre stipatis, quis in lue venereâ in eum grassatâ modum, unde vitæ præsens impendit periculum, eam monuerit Chirurgiam, quæ, morbi ferocioris augendo ferociam, nihil præter mortem creet? Idem esto de plurimis aliis casibus iudicium, in quibus à vesicâ ferrum arceri pro re natâ omnino necessum est. Verùm cum id unum hic quærat, an adjunctarum rerum varietas variam postulet vesicæ sectionem? Patet secari quidem oportere, sed locum secandâ præsertim eligi debere.

### III.

**V**ESICA in hypogastrio sita, fundo sursùm plerumque expanso, corpore extensibili & collo coagmentatur; sic tamen ut figuram, dianetrumque mutando in urethrae parietes inferius abeat atque ad penis extremum usque protendatur. Vesica è fibrarum muscularium parùm ordinatâ serie, exque tendinosarum stricto saris firmoque compingitur ordine. Haud procul à vesicæ collo vesicam ingrediuntur ureteres duo renibus oriundi. Urinam hi, & cum urinâ calculi rudimentum in vesicam devehunt. Rudimentum verò illud quid esse quispiam suspicetur præter calculum ipsum, cujus nondum satis auctâ mole vesicæ collum nec comprimitur satis, ut ponderis incumbentis sentiri possit dolor, nec interim excruciantæ præpediatur effluxus urinæ. Nam cum & calculi pondus jam grandioris facti vesicæ collo innixi non levem corporis partibus inferioribus inferat molestiam; quando major non inferioribus modò, sed superioribus corporis regionibus retentæ præter naturam urinæ noxam creabit exuberantia. 1<sup>o</sup>. Motus urinæ à renibus ad vesicam affluxuræ retardatur, unde gravissima consequuntur incommoda, quod præsentis instituti non est, ut fossis strictiusque excutiamus. 2<sup>o</sup>. Calculo tum pondere, tum figurâ naturæ conamen ad urinæ excretionem prohibente, quid non impendit mali? Hinc Chirurgiæ necessitas, ea tamen, quæ Medici iudicio debeat obtemperare. Incidendæ vesicæ locum quatis? De hoc loco non tam disputaverunt fusè, quàm garriverunt ineptè quidam, qui chartæ parcere noluerunt. Judicarunt hi vesicam in fundo; existimarunt illi in collo; propugnarunt ceteri in perinæo ad scroti latus sectionem esse persciendam. Ex hoc fonte quot libri, dicam, an satyræ emerferunt? Est enim, qui sectionem suprâ pubem suadeat, suadente primùm nec tamen persuadente Parisiensi Medico: est, qui vesicæ collum aperiri sic monet, ut si non brevior, at saltem tutior sit curatio. Ceteri, hæc præsertim in regione sic argumentantur. Ad scroti latus, in perinæo facta sectio multos à morbo, si quis est, periculosissimo liberavit. Quid indè? tacent enim quinam hæc Chirurgiæ specie perierint. Affirmant alii factam suprâ pubem sectionem pro salutis anchorâ haberi debere. Quid indè, nisi ex hæc demonstrent Chirurgiâ vel nullos vel paucissimos homines interisse. Docet post Galliam Angliâ, vesicæ collum esse præ ceteris partibus incidendum. Quid indè, si non satis superque pateat hoc Chirurgiæ genus aliâ quan-<sup>to</sup> esse noxium, etiam si generi humano sapissimè saluberrimum esse comperiat.

**S**UPRA pubem vesicæ fundus hoc secatur modo. Apertâ primùm cute in lineâ, quam salbam vocant, inter musculos pyramidales, si qui sunt, ad ossium pubis commissuram fit incisio; dein vesicæ fundus scinditur, ex aperto denique loco calculus sive manu educitur, sive ferro aliove quovis instrumento extrahitur. Hoc cùm rectè fieri contingit, mirum quantum indè redundet utilitatis. Sed si fuerit omaso plus æquo distentum abdomen, quæ spes operis feliciter exequendi? si vesicæ fundus suprâ ossa pubis non promineat, si formetur in angulum, quasi trianguli, nec circuli segmentum repræsentet, an non irritò, & periculoso conatu Chirurgi manus admoveretur? Si denique interjectæ duas inter paritoniæ laminas glandulæ, eam duritiem molemque nascæ, ut sæpè fit, quàm morbum per se curatu difficillimum nemo non judicaverit, à suscipiendo opere prohibuerint, an hanc Chirurgiæ speciem usurpaveris? Accedit & illud, quòd si injecto quovis liquore vesicæ parietes præter modum distendantur, periculum est, ne aut disrumpantur, aut tonum sic amittant, ut ad urinæ excretionem parùm idonei sint futuri. Cautus igitur esto in eligendo & injiciendo liquore; virium habeatur ratio, vesicæ firmitudo debilitasve probè explorentur, vesica denique ipsa non subito, sed pedetentim extensioni sui paulatimque assuescat. Vides quot scyllæ, quot charybdes in hoc opere sint vitandæ. Nec sua non etiam habet incommoda encheiresis illa, quæ vesicæ collum inciditur. Operationem vocant lateralem. Nam ut peragatur, musculi secantur, qui si crassiores sunt, & succo, quam par est, turgidiores, quid à sectione facta plerumque expectandum? inflammatio, febris, copiosissima suppuratio; undè morbus dururnior, & curatio proindè difficilior, quòd in ejusmodi casibus aëris mutationes, error in diætâ, ægrorum hominum diù lecti non patiens inquietudo, Chirurgi spem elidunt. Omitto Chirurgi manum in aliùm, quàm in eum, quò tendit scopum, funesto eventu sæpiùs aut impelli, aut desecti, quòd etiam in encheiresi suprâ pubem accidisse observatum est. Ad scroti latus in perinæo sectio suos patitur manes, suis quandoque sipatut viriis, undè mors consequitur. Quis enim nescit urethræ bulbum in hac Chirurgiâ incidi. Quis ignorat musculos tum erectores, tum acceleratores ab impactò semel ferro irritari. Hinc prònum est intelligi, etiamsi vulneris orificium, extrahendo calculo destinatum, satis amplum patensque à Chirurgo fiat; tamen musculorum irritatorum constrictione minui, atque coarctari. Quòd si justo grandior, aut asper angulosusve fuerit calculus, quis incisio perinæo ægri salutem non maxime periclitari affirmabit? hinc exiturus calculus ex ostio, nunc minori ac proindè contundendo, nunc pari sed dilacerando, numquid non in vulneris labia sic impetit, ut exilissimorum vasorum extrema hiare cogat, & contentum in eorum cavo succum quaquaversum profundere. Quid indè nascatur mali, lippis, ut aiunt, & tonsoribus haud est incognitum. Est & illud animadvertendum, quòd si vulneris ostium nec extrahendo calculo, mole grandiori, facilem sternat viam; & forcipis ab imperitâ manu sæpiùs intromissi huc illuc temeraria jactatio eandem ferè labem vulneti insinuat, quàm prodeuntis calculi auctior intulisset magnitudo, inflammationem accersit, gangrenam invitari, non nisi morte terminandam. Ponamus adhuc quempiam non solum calculo, sed etiam scorbuto laborare; fingamus animo aliquem bubone venereo, & faxeâ scroti duritiæ confictatum; Quis æquus rei Medicæ æstimator, his incasibus, urethræ bulbum, per sectionem à scroti latere in perinæo, proscindi non prohibebit?

V.

**E**RUNT, qui clamitent, nullam ergò vis extrahendi calculi encheiresin institui, cùm undique majus imminet periculi, quàm spes alicubi sanationis asfulget: absit: Nulla non encheiresis institui, nulla non Chirurgia debet in usum vocari, quam & ratio suadet, & experientia non temerè repetita usurpandam esse persuadet. Quid igitur est, quamobrem omnes Chirurgiæ species nullo discrimine habueris, vel hac illi non anteposueris? Respondemus: facit vesica, faciunt ambientes vesicam partes, faciant prestantes adhuc in vicinis locis morbi reliquæ, facit denique calculi moles aut figura, ut nunc suprâ pubem in vesicæ fundo, nunc in collo, nunc in perinæo sectionem ad calculum fieri

neceſſum eſſe. quivis nec Anatomix ruſis, nec morborum imperitus certò pronuntiaverit. Veſicæ enim alias eſſe præ aliis fortes, eſſe præ aliis flexiles, & expandi dociles, cetiſſimum eſſe deprehenditur. Huiusmodi veſicæ quoties inveneris, ſuprà pubem ſecari jubet, niſi aut omentum juſto pinguius, aut morbus alius vel ipſo truculentior calculo, à ſuſcipiendo detretreat opere. Silenius enim ea, quæ perſpecta ſatis à Medico atque explorata, Chirurgi fertum à veſicâ movent amoveri, ut properantiſ lethi gradus poſſit aliquatenus retardari. Calculus igitur mole maximus hæc detrahitur viâ; calculus angulis, iſſque acutis aſper. ex hoc educitor exitu. Quid de gravidarum mulierum, partui jam proximarum, forte cenſeſis? an operatio, quam lateralem appellant, an autem ea, quæ magni apparatus nomine perficitur adhiberi debeat, à quovis quære corporiſ humani mechanices haud ignaro: negabit ſtatim in inferioribus veſicæ partibus ſectionem eſſe molendam. Jam ad veſicæ collum progrediamur. Eſt ubi ſectio ſuprà pubem non debet inſtitui, quòd veſicæ fundus nec naturâ, nec etiam arte ſuprà oſſa pubis extuberet, cum interim nec in vicinis, nec in ambientibus locis quidpiam impediât, quominus hæc Chirurgia feliciter cedat. Eſt ubi veſicæ fundus in conum deſinit formæque triangularem. In primo caſu nihil aggrediendum, in altero nihil expectandum boni à ferri acie, nonniſi vicinas partes læſura. Veſicæ collum igitur ſecetur, hæc tamen lege, ut incidendi, antequàm ad veſicæ collum deveniatur, muſculi non ſint æquo craſſiores; utque in proſtatiſ, atque adeò in veſicæ collo nullum ſuperſit vitium, à quibuſvis prægreſſiſ morbiſ oriundum. Hoc operandi genus inchoavit Gallia, Batavia perfecit, Anglia demùm non ſine felici ſucceſſu abſolvit. Vidit Academia Pariſienſis quam plurimos huius beneficio Chirurgiæ, priſtinæ valetudini reſtitutos. Stupuit quorundam hominum invidiam, qui probro vertiſſent Chirurgo, ſi quis eſt, peritiſſimo, quod à latere cum ſecuiſſet, ſemel iterumque mors eſſet conſecuta. Calumniam reſellerunt cadavera. Quod ſpectat bulbi ſectionem ad calculum, Galliæ debetur, undè in ultimas terrarum oras ſalubriter eſt propagata. Eſt hæc Chirurgiæ ſpecies ea, quæ numerum hominum eripuit ex orci faucibus vix numerabilem, ſua namque habet commoda, cùm ab alieniſ ſit incommodiſ immunis. Non hic craſſiores ſecantur muſculi: non metus eſt, ne cavum abdominiſ cæcâ Chirurgi manu lancinetur in ægri perniciem, & artiſciſ opprobrium. Erit fortè, qui obijciat, mirum accidere, quod, ſalviſ ægri rebus, ex bulbi foramine grandior extrahatur potculus, minore verò extracto calculo, miſere pteat. Hoc quoties accidit, ſectoriſ potiùſ inſcitæ, quàm Artiſ impuſandum.

*Ergò ad extrahendum è veſicâ calculum diverſa pro re natâ debet uſurpari Chirurgia.*

## DOMINI DOCTORES DISPUTATURI.

*M. Auguſtinus ROUX, Regiæ Societatiſ Rei Agrariæ, necnon Regiæ Scientiarum Academia Burdigalenſiſ Sociuſ.*

*M. Petruſ - Joanneſ - Claudiuſ MAUDUYT DE LA VARENNE.*

*M. Antoniuſ CAſAMAJOR, Cenſor Regiuſ.*

*M. Achilleſ-Guillelmuſ LE BEUGE DE PRESLE, Equuſ & Cenſor Regiuſ.*

*M. Stephanuſ D'HUAME.*

*M. Raymunduſ DE LA RIVIERE,*

*M. Cæſar COſTE, Cenſor Regiuſ.*

*M. Joſephuſ DÜSSANS.*

*M. Ludovicuſ-Petruſ LE HOC.*

Proponebat Pariſiſiſ *Joſeph Houſſinvière* FRANCISCUſ PORTIER, Lavallaux Doctòr Andegavenſiſ, necnon Saluberrimæ Facultatiſ Medicinæ Pariſienſiſ Baccalaureuſ.

A. R. S. H. 1764. A SEXTA AD MERIDIEM.